



掖垣類彙目錄

卷第一

周葵兼侍講

韓恕除知閣門

張說落階官

任古言孟思恭降一官

士街妻張氏士錢妻曹氏特贈夫人

胡昉補右迪功郎
向琪轉遙郡刺史

侯守權轉一官
劉握父寶封保義郎

潘師尹張進之落看班二字

德壽宮官吏各轉兩官

劉迪胡熙各轉一官
劉官轉一官致仕

劉觀遺表贈四官

常士庶帶行閣門祇候

魏良臣特轉一官

曾覲除遙郡刺史

曹澤降官放罷

司馬倬除直秘閣

趙振董巽各轉一官

李家差幹辨內藏庫

王綸轉一官致仕

王綸遺表贈五官

宋暎遺表贈四官

瞿志轉一官

蔣世忠梁思轉歸吏部致仕

余武康轉右從事郎 趙不屈降一官

吳宏降官叙復

陳誠之董德元復端明殿學士

余克弼宋樸鄭仲熊平伋章復魏師遜汪勃史

才並復龍

圖閣學士

蕪州孚惠廟神封靈應候

趙不栝補承信郎 張興世孫璫除各門祇候

吳昱除閣門宣贊舍人 光州威會廟神加封

吳挺除熙河路安撫

牛永壽王仲申明換給承信郎

范雄左祐起復 陳子常轉一官

魏良臣轉一官致仕 魏良臣遺表贈五官

陳文彥李叔謨張建魯宗鎮各降一官

閻德降一官 密球再叙未復官

榮蔭降一官 李政降一官

劉世寧降一官

皇太子潛邸官吏隨龍人等與轉官

楊廈楊麻補成忠郎 梁康民張安上轉歸吏部

王瑛除閣門祗候 黃圭除閣門祗候

黃昭慶輔歸吏部與宮觀

陳雋母 氏封太孺人

杜勝叙元官 李貴降官送撫州居住

許濤祝端表降一官 宋鈞權知閣門

卷第二

韓公裔封贈三代共妻共七首

鄭藻封贈三代共五首

李道封贈父母妻共三首

周縮封贈父母共二首 許米烈降一官

吳蓋妻趙氏封郡夫人 李有卿降一官

徐希顏降一官 于誠降一官

甄援降兩官

姚仲降郢州防禦使峽州居住

李藻楊師中各降一官 李宏轉一官

蒲待聘降兩資 韓仲通沈介各復閣職

吳氏贈秦魏國夫人 陳玠轉承信郎

孫璋轉一官 王瑀起復充殿司副將

趙善人降一官 靜江府惠寧廟神加封

潯州廣祐廟神加封 劉懋致仕

都遇降一官 蓋宗禮降一官

劉師中降一官 張瑁降一資

劉弇降一資 向沔降一資

鄭望之遺表贈四官 岳飛追復元官

李昉轉一官 李綽轉遙郡承宣使

蘇永堅轉官 蔣璨贈父右宣奉大夫

前執政某人除端明殿學士官觀

蔣世忠贈武義大夫

婉容翟氏親屬張氏封淑人

劉錡致仕 劉錡遺表贈開府

能誠轉兩官 陳孝廉轉兩官

李觀轉一官 王公濟轉兩官

趙渭郭毅並轉六官 士公追封安唐郡公

士伍贈舒國公 鄺詢與換白雲處士

魏勝妻于氏封安人

卷第三

洋州威顯廟神加封 威州康廟神加封

靜江府靈懿廟封昭惠夫人

靜江府清惠廟神加封

泉州威惠廟神加封 郴州蘇仙觀冲素真人加封

田開元落致仕 劉緯轉官除閣門宣贊

王璵孫鑑轉一官 閻德叙復元官

馬文貴一百二歲補右迪功郎

宗子伯詔補承信郎

李顯忠保明采石立功人各轉四官

宋實降一官潭州居住

戴臯封贈父母妻子共三首

澧州英澤廟神加封 廬州德濟廟神加封

德順軍亂石湫神加封 和州西楚伯王封靈祐王

張孝祥復集英殿修撰 史佚轉兩官

雷化州賊凌鐵等就擒官吏推恩共六首

周世昌降一官 周世修降一官

陳懌龔壘乞回轉官與母封太孺人

張瓌落致仕 岳飛孫甫等並補承信郎

侯世通轉一官

張綸魏安行各展二年磨勘

錢庚轉一官

張子蓋除淮東招撫使

王瑀起復

趙述落致仕與宮觀

都遇復元官

報登寶位使副下三節人轉官

董球降一官

皇甫倜轉三官除閣門宣贊

曹勛贈三代妻共五首

岳飛妻李氏復封

岳飛男復官共三首

岳雲妻鞏氏復封

張德明除閣門祗候

張世昌轉一官

劉郭義除武學博士

李師顏充閣門宣贊

王十朋兼崇政殿說書

徐億百三歲補右迪功郎

士嶮追封和國公

陳端夫轉翰林醫痊

宗子伯瑀補承信郎

卷第四

劉岑除敷文閣待制

楊從儀除防禦使

郭昇除閣門宣贊

能誠轉成安大夫

蕭中一贈節度使

申明劄子附

蕭中一妻等封號共三首

李寶魯祖爵卿太子少保

四川制置司奏瓦亭戰功人轉官

楊景雄轉右朝請郎 華旺除防禦使

翁顏贈承信郎 蔡州陣亡人贈官

蔡州陣亡無家屬人各贈承節郎

和州陣亡官兵贈官 趙子瀟轉一官

成敏奏瓜州陣亡官兵贈官

竹友直循右修職郎 輔達李福轉一官

時貴降一官 劉遠轉一官

成閔保明宋藻國大同各轉官

逢維翰循一資 李顯忠奏楊林渡陣亡人贈官

吳拱申葵州立功申立贈八官

成閔奏李宗訓轉翰林醫官

安知和等轉一官 李師顏正差知興元府

王萬修循修職郎 閔保轉一官

趙汝勅轉右通直郎 葉均循右文林郎

石明緒解延運各循一資

郝謚降一官 趙吉等陣亡贈官

王棟轉一官 張大年降一官

鳳州善濟侯加封 昌化軍寧濟廟神政封

王大亨轉一官

易嘉謀補右迪功郎

魏欽緒循三資

公喜陣亡贈官

張子蓋申淄縣陣亡人贈官

忠義前軍於滁和州陣亡贈官

忠節指揮兵士壽春府陣亡贈官

翟楷循右從政郎

成閔奏清河口立功人轉官

衛博循左儒林郎

程千載循右從事郎

趙搏申戴規陣亡贈官

王士英降一官

王友直除觀察使

宋藻轉一官

李嵩轉一官

四川制置司奏官屬邊事有勞並轉官

劉珙轉左朝散郎

李師克轉兩官

趙思忠起復

卷第五

邵諤父希直封團練使

趙衍除閣門祗候

張子蓋致仕

張子蓋贈太尉

李顯忠封贈三代妻共七首

吳玠轉一官

士銜追封咸義郡王

符鎮降一官

陳秉宜轉兩官

趙忠緒承信郎

武成轉一官

張蕃降一官

光化軍鄧侯廟加封

衛百揆父補保義郎

士劉追封咸安郡王

趙晟劉瑜陣亡贈官

量試宗子補官

郭振除觀察使

泉州廣利廟神加封

舒州小孤山聖母加封

士劉男不危換右承奉郎

劉澤轉一官

劉績除閤門宣贊

王寔轉一官

董遇轉一官

成閔落太尉婺州居住

頊遇轉遥郡刺史

曹建轉拱衛大夫

許章轉一官

邵宏淵除觀察使

吳起御名轉兩官

趙輻贈兩官

曹家庄陣亡

馬回山下陣亡鄭祥等贈官

王玠轉右武大夫

前執政某人落職饒州居住

前執政子某降官

原州陣亡人贈一官

起復范旺等各轉官

孫德劉廣降一官

國大同循右儒林郎

楊亨轉遥郡刺史

營燮補承信郎

韓霖叙復修武郎

張珣轉兩官

士韜女夫司公度除閤門祗候

卷第六

駁蔣安定改正罪名狀

論婉容翟氏位官吏轉行狀

繳李觀鄭孝禮轉官狀 繳士恭轉官狀

繳王夫人位手分狀 駁蔡仍叙官狀

繳曹岨轉官狀 繳別廟用樂狀

繳高克咨轉官狀 申省諭朱霖狀

繳張宏請給狀 請早開講狀

繳道童度牒狀

與宰相論李申甫改官事劄子

駁龍大淵魯覲差遣狀 與史丞相劄子

同金給事待罪狀 乞罷黜狀

乞宮觀狀

卷第七

王秬除知饒州 陳從古除湖南運判

陶定除湖南提刑 呂游問除知襄陽府

李安國除湖廣總領 龔蓋除直徽猷閣

趙師夔轉一官

單夔差知湖州

大學錄梁汝永再任

方滋差知紹興府

祝懷將一官回封父即温

周操除太子詹事

沈复除户部侍郎

姚憲除兼臨安少尹

侍右侍郎張津落權字

張士元轉一官

汪澈轉一官致仕

汪澈贈左金紫光祿大夫

王世雄轉一官

陳唐弼虞似良並除大理寺丞

呂企中除福建提刑

陳峴除福建運判

張壽趙公廩王瑛各差知州

召試閣門舍人策題

繳曹邦除府推狀

辭兼中書舍人劄子

掖垣類稿目錄

周益公文集第九十四卷

掖垣類稿卷第一

宋廬陵周益公必大著

紹興三十二年九月任起居郎兼權中書舍人兵部侍郎

周葵兼侍講

壬午九月二十七日

勅朕以眇身學于古訓既詔有司趣講勸之日又延
近輔預從容之觀敢專事於虛文庶共譚於治道增
廣仲尼之益友特招太上之爭臣具官某與學測于
聖幾直聲聞於天下粵自纂承之始首還嚴近之班
雖大廷可告於辰猷面重席未親於晝訪其以詰禁
制軍之暇副予繩愆糾謬之求在熙寧時有若司馬

唐益公集 卷之十一
光之正論友元祐世亦惟范祖禹之醇儒皆於講讀之間
傳以箴規之誼朕思成德之允協爾尚古人之與其可

婺州觀察使韓恕除知閣門事兼客省四方館
事 壬午八月十五日詞頭

勅句臚傳而漢儀尊侍御正而周德懋欲識先王之
遺意必求當世之舊人具官某忠獻諸孫 裕陵自
出見聞至廣故深閑朝會之儀廉介有常故不溺膏
梁之習雖爾求安於暮景顧予思肅於昕朝姑借重
於兼車以提網於賓贊勉圖自力毋復懷歸可

九月二十二日聖旨張說充奉使不受金又

辭免兩人白身恩澤理宜旌賞可特與落階
官勸會張說見係右武大夫榮州刺史 壬午

勅朕副位之初大明黜陟凡膺褒典夫豈徒然具官
某以醞籍而董賓贊之儀以敏達而介皇華之使既
却兼金之餽仍還應格之恩擢正州符以風示在列
使知見小利如思恭者罰必及而下傷廉如汝說者
賞遽加則予一人勸沮之方其庶幾乎可

右諫議大夫任古言孟思恭奉使受賂止罷見任
太輕奉聖旨特降一官吏部供本人元係武功大夫

吉州刺史落階官授文州刺史 壬午八月七日

勅具官某出疆脩聘遠有光華凡以客從豈容貨取朕懼夫流弊之未革也故詔二三執政諄諄誨之而汝言猶在耳貪己萌心縱不畏四知獨不畏朕乎夫受金之過小而慢令之罪大此朕所以不汝容而諫大夫所以重刻也削階罷免徃自省循可特降授武功大夫吉州刺史

安德軍節度使同知太宗正事士銜故妻令人張氏遇紹興三十一年九月二日明堂赦特贈清河郡夫人安慶軍節度使同知太宗正事士銜故妻令人曹氏特贈永嘉郡夫人譚氏信安郡夫人

勅乃者大上皇帝以季秋上辛大享明堂輝胞翟閭罔不受福矧予服屬之懿其可以既歿而廢漏泉之澤乎具封某氏稟秀彊宗來嬪公族雖柔順有聞于世而年齡獨畜於天會逢慶需之行誕錫追榮之典勉夫以正不及觀麟趾之成裂地而封尚歆此魚軒之寵可

知泗州夏俊申收復泗州全得肝胎軍免解進士胡昉之力望優賜推賞仍陶鑄州官十月二十二日聖旨特與補右迪功郎充泗州司戶參軍辛巳

勅某人汝書生也乃能奮其智勇於郊壘未平之秋何惜一官不以勸有意功名之士可

樞密院奏武功大夫東南二將廬州駐劄向琪見充沿邊差

遣蕙提舉沿淮民社職事修舉十月十二日聖旨其官特轉遷郎刺史
勅具官某朕以爾稟氣山西稍更邊任肆因右府之請而使遙
刺一州可謂寵矣江淮之上備禦方嚴勉立殊勲無負知己可

又奏武德郎建康府駐劄御前右軍副將淮西安
撫司統領軍馬侯守權十月十二日聖旨與轉一官

勅具官某朕以爾乘邊浸久馭衆有聞不待舉旗斬將之勞而錫
以叙遷之命可謂恩矣江淮之上備禦方嚴勉立殊勲以須後寵可

承信郎劉握父寶見年九十八歲該遇明堂
大禮赦特封保義郎致仕

勅某人天子首方先見百年者貴老之義矧也均祭
澤何各官榮服我命書永受子孫之養可

閣門看班祗候潘帥尹潘帥旦張進之並為
供職歲久祗應詳熟特與依例落看班二字

勅具官某朕大昕御朝廷見群下汝嫻於儀矩久閱
班聯稍正其名益思祗敬可

紹興三十二年八月十三日聖旨德壽宮官
吏諸色人等並係日常侍衛應奉可令所屬

照應已降赦文各轉兩官資推恩施行
勅某人等朕於事親無所不用其至故凡隸名西內

者推恩率有加焉疊進官榮往圖報効可

提舉淮東常平茶鹽王珣奏保義郎監楚州
鹽城縣五祐等鹽場權縣事劉迪忠翊郎監
楚州鹽縣城買納鹽場胡熙知蕃賊在近安
職不去各與轉一官 壬午正月二十七日勅

勅劉迪等乃者胡騎踰淮人無固志汝惟小吏獨守
其官使者以聞朕心嘉歡序遷一列少愧懦夫可依
前件

嘉州奏新除敷文閣直學士左太中大夫提
舉成都府玉局觀劉觀乞致仕七月二日聖
旨與轉一官致仕

勅蜀士盛於西漢然司馬相如王褒楊雄之徒皆位
不過郎大夫且未有歸老於其鄉者嘉予近侍獨掩
前聞具官某忠信醇固廉清寬博問學施於安平之
世議論見於艱難之時退游真祠歲月久矣古所謂
達尊三者爾蓋兼之上章告歸寵進秩序往遂安車
之適庶無大耄之嗟可

劉觀上遺表特贈四官

辛巳七月二十一日

勅孔子曰君子疾沒世而名不稱焉若夫仕更三朝
而公卿推其德身享耄期而四方儀其行逝者如斯
亦可以無憾矣具官某學造乎道文根於理陟降左

右早得陳力之誼燕安問里晚蹈知止之規考終厥命五福備矣進階三品寵以書贊庶幾令聞廣譽後世猶有故焉可

秉義郎閣門同提點承受常士廉奏主行登寶位典禮應奉了畢遂收恩賞止乞依孫舜卿例帶行閣門祇候九月一日聖旨特依所乞

勅具官某朕壓於慈訓拱手三辭而履帝位汝惟幸會周旋廷中預觀盛儀亦可謂榮也已稍遷厥次毋或不祇可

湖南提舉司保明到資政殿學士左中大夫知潭州魏良臣任內起發過賣田產價錢二十二萬二千九百餘貫九月二十三日聖旨特與轉一官本官已身辛巳

勅進以德者不可廢功榮其生者胡寧背死茲實馭臣之柄亦惟厲世之權故具官某以重望服大僚以威名開巨鎮屬授田之中率嘗增秩以疇庸取甘茂之官方將刻贊奏相如之札遽檻遺書深惟成命之既行豈以云亡而遂格追錫詔除之寵足為身後之光可

武翼郎帶御器械兼幹辦皇城司曾覲用隨
龍恩轉言除遙郡刺史

勅具官某朕祇奉眷謨紹承聖緒加惠不遺於遠服
疏榮可廢於舊勞爾夙蘊材猷雅精辭藝驟乘而臨
代邨備著忠勤舞于而衛舜階方資謹飾其叙遷於
諸使仍遙刺於名邦尚對思華益肩報禮可

武功大夫湖南安撫司準備將權全州駐劄
第九將官曹澤不能彈壓將兵致生事窘辱

知州王蓋臣降一官放罷

壬午九月二日

勅具官某昔之爲將馭下有律士寧死而不敢犯法
况敢怙衆爲亂乎汝何以知此貶其殺而免之可

三省樞密院奏武鉅昨收復鄧州其知房州
司馬倬首遺鄉兵二千人應副錢糧共濟國
事閏二月十七日聖旨特除直秘閣

勅具官某南陽版籍歸我職方莫府上功朕旣以差
而賞之矣惟汝填臨凋郡協比鄰邦悉其賦與助闢
境土寓直圖書之府豈獨爲汝勸哉表而出之所以
使楮紳介胄間知吾文正公之有後也可

湖北京西制置使吳拱奏虜帥劉夢窺伺襄
陽於隔奴灘奔衝俱被官軍殺退推排立功

官兵三千八百二十九人數內第一等武功

大夫吉州刺史趙振第三等武功大夫兼閣

門宣贊舍人董異轉一官

勅具官某賊孽帥師窺吾襄漢汝能奮擊遂遏其衝

將拱以言遽陞遙領尚圖忠報母使功疑可壬午八月十日勅並與遷郡上轉行

入內、侍省寄資拱衛大夫遙郡承宣使李

案與轉歸吏部特差幹辦內藏庫填見闕壬午九月

十一日

勅祇事官闈既殫勤力易官銓部厥有故常具官某

兢畏以自修溫純而寡過階視橫班之峻職參番務

之崇籍爾幹材司吾禁帑尚體儉勤之意毋忘出納

之公可

資政殿大學士左太中大夫知建康府王綸

乞致仕八月二十二一聖旨與轉一官致仕辛巳

勅少則歌鹿鳴而薦于朝老則釋麟符而居其里攷

昔人而或有在近世以幾希具官某行峻而濟以通

學博而歸之正雖先日宦游之不遂而平居譽望之

已隆父母無間言故州閭鄉黨皆稱其孝阨窮無怨

色故去就出處惟義之歸逮承太上之深知驟極一

時之榮遇入間棘槐之列出分桑梓之麾雖膺力之

既愆頤歲年之未暮屬間嬰疾遽致為臣稍遷寄祿之階追遂掛冠之志君臣之分終始有光可

王綸上遺表特贈五官

辛巳九月十六日旨揮

勅朕以眇身初承聖緒究觀前日左右輔弼之臣而想其遺風餘烈贈祿之典夫何愛焉具官某有辨博貫通之學有清明敏達之才其殘禁塗則高丈大冊鼓動於天下其登右府則崇論竑議簡在於帝心出臨父母之邦奄忽至于大故朕甚傷焉夫古所謂鄉先生者沒則祭于社而後世良二千石民亦奉嘗之爾於二者蓋兼之矣進階五等爰舉舊章所以慰邦人之思非獨為王氏之寵可

右中奉大夫徽猷閣待制賜紫金魚袋致仕

宋喚上遺表特贈四官

壬午正月二十九日旨揮

勅昔在慶曆皇祐間人才為盛時惟丞相庠總領衆職以協替上治朕緬懷名德而恨不及見也閱從臣之籍得其曾孫焉流風善政庶或有考今其亡矣寧不慨然具官某學知守其家材實裕於用被遇徽祖竭誠靖康謨訓具存忠勤可驗會予初政揔爾遺章茲用興喬木之思而賁以增秩貶思之寵營魂未泯尚知享哉可

武功大夫保寧軍承宣使續環乞將昨解罷
御藥院恩澤內轉一官與承信郎瞿志行見
今官上收使辟已十二
十四日

勅某官退休而貶恩外廷之與內侍一也汝用是以
遷秩不既幸乎尚思所以稱此者可特授承節郎

入內、侍省寄資武節郎蔣世忠入內、侍
省寄資武翼郎梁思並為久病特與轉歸吏
部守本官致仕

勅某人等汝久矣抱疴不勝洒掃之職俾歸銓部遂
掛銀貓如其有瘳可以自俟可

右迪功郎余武康用紹興十六年隨韓京軍
自廣東往福建平賊至梅州殺併賴權節林
細花一十火第一等功轉一官循入右從事
郎

勅具官某盜授首於梅川今十有六年矣而汝猶賣
伐以為請功疑惟重不汝斬也毋以幸得而忘報焉
可

紹興二十四年五月五日勅節文常州勘到
承節郎趙不屈為打死人力時義特降一官
元定私罪杖情理稍重

唐益公集 權垣類稿一 二十二
勅具官某僕隸犯上固當深懲榜而斃之則大甚矣
鑄官一等繼此毋然可

左武大夫鄂州駐劄御前中軍第十將正將
吳宏因楛劔隊下食錢等事三十二年四月
十七日聖旨降一官令本軍自効該六月十
三日大赦叙復

勅坐法而貶會赦而叙厥惟邦典朕則何心具官某
服在轅門幸參將列乃繇剝下稍抑橫階累月復之
可謂幸矣夫赦固不數而法常可畏往思報効勿蹈
前非可

三十二年九月六日勅陳誠之董德元余堯
弼並與復端明殿學士宋樸鄭仲熊巫伋章
復魏師遜汪勅史才並與復龍圖閣學士見
任宮祠人依舊汪勅興宮觀陳誠之董德元
勅朕以六月丙子承前訓履帝位蓋南鄉三辭而後
受郡臣之謁魯懷邇列雖不在廷而慶澤所加當繇
貴始具官某以雅正之文冠多士以忱恂之行慕古
人參執事樞宜昭譽問久游故里實簡朕心夫禮大
臣則國體尊褒者舊則民厚况於初政其敢愆忘祕
殿通班特維異數書不云虜爾身在外乃心罔不在

王室母以久滯周南遂廢謀猷之告也可

余克弼宋樸鄭仲熊巫伋章復魏師遂汪勃

史才

克弼月進班秘殿

勅日月麗天大人有繼明之象雷雨作解君子推宥過之恩蓋不遺一介之臣矧敢志成德之彥邦彞是式寵命其敷具官某雅望足以服人宏才足以濟務壽聖嘗加於體貌耿冲尚識某儀刑久安閭里之遊茲值國家之慶進班內閣仍處珍臺盛德日新方仰承於慈訓遠猷辰告尚有望於舊人

二制既出而臣寡有言奉聖旨別聽旨揮

蕪州寧都縣孚惠廟神特封靈應侯

勅某神顧之北鄙有壯哉縣其民勤故力穡而賦厚其地磽故閔雨則農傷惟爾有神禱焉輒應削章采上朕用歎嘉進爵徹侯增光廟祀尚其受職永庇一方

忠州申取應宗子趙不括昨於紹興二十九年取到夔州路轉運司文解當年九月起四川制置司類省試院覆試中第六名憂赴御試不及補承信郎

壬午六月二十三日

勅某人乃者深念宗盟或遊蜀道均以十人之制蜀其萬里之來汝既中程是當錫命往聯右列尚勉後

圖可

隨龍使臣張興世孫璫並與除閤門祇候先
次供職支破諸般請祇候有闕日依資次撥

填入額 九月十九日

勅某人汝服勞潛邸會朕龍飛可謂非常之遇矣列
名上閣豈常格所當得哉深體異恩往祇乃事可

成忠郎吳昱特與除閤門宣贊舍人日下供

職 壬午九月
二十一日

勅具官某唐國子儀功止一身而八子皆貴顯朝廷
今吳氏父子兄弟並為名將有大功於西州其可不

使汝入仕王畿而稱朕寵綏之意乎往贊朝儀尚識
朕指可

光州城西威惠廟中神威惠顯應侯加封英

格威惠顯應侯東位昭惠順應侯加封格昭

惠順應侯西位孚惠靈應侯加封忠格孚惠

靈應侯 壬午八月七日

勅某神等疇昔虜師擾吾淮服乃眷期思之壞有嚴
威衛之祠靈若降於雲中厲遂驅於左鼎加美號顯
答陰功尚秩祀以依人永孚休而受職可

荊州刺史利州路兵馬鈴轄御前中軍統吳

擬除主管熙河路經略安撫司公事馬步軍
 都總管兼知熙州依舊充御前中軍統制
 勅朕惟熙寧轉戰乃得秋道枹罕而郡縣之中值
 艱論子戎索一披輿地之圖未嘗不深嗟而屢歎也
 具官某忠孝智勇本於家傳坐以中堅力摧疆敵舊
 疆寢復朕甚嘉焉就畀帥權付之西略兵法曰善戰
 者致人不致於人爾父子為我善謀之可

承信郎牛永壽牛師正因父武功大夫牛皓
 陣亡補官依赦換給王清男王仲申貴男申
 明換給承信郎同詞壬午八月二十八日勅

勅具官某爾父皓捐身為國朕用閱傷悉錄其孤仍
 加真命視漢羽林之養不曰厚恩乎可

東南第四副將范雄丁母憂起復武功大夫
 護聖軍統領官左祐起復同詞但改云爾
久服轅門

勅某人爾父控要津屬罹家難方時右武可廢奪情
 勉立戰多以成陵母之志可

登極赦書德壽宮見今侍衛親從官僚等於
 今赦合轉官外特與各轉兩官數內武功大
 夫成州團練使陳子常階官遥郡上各轉行
 一官

勅事吾君父既有成勞推國恩榮豈遵常度具官某
謙恭有守通敏無疵屬布慶條沓來茂渥弁之橫列
益以干城往服褒嘉務勤夙夜可特授右武大夫某
州防禦使

資政殿學士左中大夫魏良臣轉一官致仕
勅四十強而仕七十致其政名遂身退天之道也眷
予舊弼以疾告歸雖欲留之願何及矣具官某果藝
閎達為國寶臣本之以忠槩文之以儒術故昔嘗大
用而國人皆以為喜今茲得謝則又惜之夫直諒之
節顯於朝廷豈弟之政著於數路卿大夫出處如是
亦難矣增秩而去豈不身名俱榮也哉可

魏良臣上遺表贈五官

勅昔者盛時朝多故老疑則咨以政祀則召之陪厥
今幾人又失一鑑具官某慷慨自許純明不欺勇於
義故臨難而弗辭裕於才故居官而可紀雖經濟之
功未究而蕃宣之績屢書予惟汝嘉歲不戎與知其
疾固已憂矣聞訃為之側然不有迫襄孰紓悼念往
進階於五等尚服寵於九京可

左從政郎新德慶府教授陳文彥前任惠安
縣尉右宣義郎新知郡武軍泰寧縣李叔謨

前任晉江縣尉從義郎張建前任惠安等四縣沿海小兜巡檢右文林郎建康府觀察推官宗鎮前仕同安縣尉並為透漏商販往密州降一官

勅具官某古者自王畿達貨賄於諸侯猶以節傳出之今商人遵海而南放於琅邪可謂遠矣汝昔為尉察弗也雖欲逃貴得乎可

巡檢云汝職警捕弗条
壬午四月三十日勅

中亮大夫宣州觀察使殿前左軍統制閻德於殿帥趙密前高聲無禮聖旨階官遙郡上降一官令本司自効

辛巳十一月二十四日

勅漢李廣不謝大將軍意象愠怒終以離郵况功名未及廣者乎且官某知軍法犯上者殺而惡言忿色蔑視主帥豈汝或有辭耶深治則矜愚不治則廢法崇階遙寄皆少損之可

密球元係拱衛大夫文州刺史因虛詞進狀論山地事降兩官遇赦已叙一官今滿官再期再叙未復官

壬午六月十日

勅再朞而叙其官法也抑有恩存焉具官某頃以懷諛抵罪今盡除之朕恩厚矣毋謂法所當得而不思報可

保義郎監鎮江府金壇縣酒稅榮蔣借支合
得職田米俸米及不知有加量米數特降一

官 壬午閏二月
二十四日勅

勅具官某貸粟子官且忘其不槩焉皆過之小者吾
猶薄責所以勉汝庶也可

承節郎前權峽州蜀江巡檢李政不即追捕
強盜該恩及云官特降一官 壬午五月五日勅

勅具官某寇攘為患從而不敢是食焉而曠其職也
更赦勿治其特貶之可

脩武郎監成都府新都縣商稅劉世寧誤保

李餘慶詐冒陳乞李青陣亡恩澤降一官 壬午閏二

月二十
六日

勅具官某朕閱死政之將誰責那可於族黨今以偽
聞是欺也不於爾保任者責之將誰責耶可

立皇太子僭邢官吏等特與轉兩官資登寶
位應隨龍官吏并諸色祇應人軍兵等各特

興轉四官資 八月十九
日奉旨

勅某人等汝以中涓祇事潜邸自己已至於丙子曾
未挾日而值朕登儲御極之慶可謂幸矣進階六等
與夫累歲月而得者相萬也盍思所以稱是哉可

故贈開府儀同三司楊政妻崇國夫人南氏
獻助錢引十五萬道二子楊厦楊麻特補成

忠郎

勅某人等昔汝父政塞底績今汝母南入訾澹國予
惟寵嘉之優命以官蓋將慰鞶鼓之思而稱鳴鳩之
壹非獨尊頭汝曹以風百姓也可

幹辦內東門梁康民張安上轉歸吏部充德

壽宮差遣

勅具官某等共惟太上非心黃屋而樂游大庭之館
命汝入衛可無異恩茲用解房闈之權賦銓曹之祿

往祇乃事勿替恭勤可

忠訓郎王英除閣門祇候

勅具官某爾父久提銳旅嘗立戰多肆爾兄弟並膺
寵數往參二閣勉習朝儀可

黃圭除閣門祇候

勅具官某高門之地文石之班隸職其間與有榮耀
今以命汝尚其祇欽可

入內、侍省寄資武翼郎黃昭慶與轉歸吏
部先次參部出給請受文曆特差主管台州

崇道觀任便居住

壬午六月八日

勅具官某爾久以謹敏給事宮掖歸之銓部閱其老也賦之祠祿優以恩也往其懋承之哉可

承信郎陳儁母某氏年九十五歲該紹興三十一年明堂赦封太孺人

勅某氏爾年且期頤而有子從士庶幾詩人所謂壽母者肆因祭澤列之命婦告而族黨侈我榮懷可

左武大夫忠州團練使杜勝任因東南第九將違法決軍兵致死降一官放罷見降作判

史遇登極赦叙元官

七月二十三日

勅曠蕩之恩何辜不釋矧如青固在虧除具官某頃以任威稍裁遙寄茲逢霈澤一洗丹書復爾練戎謹於御下可

右武大夫和州防禦使添差江南西路兵馬鈐轄撫州駐劄李貴特降兩官仍落遙郡放罷送江南居住今臨安府差得力使臣軍兵

管押前去

壬午八月二十四日

勅具官某漢雲中守上尚功差六級下吏削爵隋文帝著令盜邊穀一升坐法斬首蓋法嚴則人不犯是乃所以為寬也汝既欲冒陷陳得城之功又取府庫之金而有之廷尉請論如律朕以犯在赦前特從寬

宥下從諸侯仍削遙防徒之臨川可以三省其過矣可

敦武郎監明州戶部贍軍酒庫詎濤承節郎
監明州戶部贍軍酒庫祝端表並為不覺察
專知官借貸官錢特降一官更展二年磨勘

壬午三月
二十日

勅具官某等嚴則人不敢犯明則人不能犯汝職麓
庫二者咸無焉出納之間吏得移用者以此鑄官一
等少警曠壞可

帶御器械宋鈞除權知閣門事

勅具官某隰朋閑習進退赤也願相會同是朝廷之
間古人蓋以觀禮爾溫純有恪詞采甚文按繇執戟
之聯試以司儀之事喻階歷位其糾正之齊、翔、
則予以懌可

檄垣類彙卷第一

周益公集

柘城類稿

三十一



